



SIARAN MEDIA

KARISMA 1AZAM – RM300 JUTA BERI MANFAAT KEPADA PENDUDUK NEGERI SABAH

TETAMU KEHORMAT : Y.A.B. DATUK SERI PANGLIMA MUSA BIN HAJI AMAN
KETUA MENTERI SABAH
: Y.B. DATO' SRI SHAHRIZAT ABDUL JALIL
MENTERI PEMBANGUNAN WANITA,
KELUARGA DAN MASYARAKAT

TARIKH : 20 MAC 2012 (SELASA)

TEMPAT : SANDAKAN YACHT CLUB, JALAN BULI SIM-SIM,
SANDAKAN

SANDAKAN, 20 MAC 2012 – Kerajaan Persekutuan melalui Kementerian Pembangunan Wanita, Keluarga dan Masyarakat (KPWKM) telah memperuntukkan sebanyak **RM300 juta** kepada Kerajaan Negeri Sabah bagi melaksanakan pelbagai inisiatif di bawah Bidang Keberhasilan Utama Negara (NKRA) Meningkatkan Taraf Hidup Isi Rumah Berpendapatan Rendah bagi tahun 2012 yang bakal memberi manfaat kepada **80 ribu orang rakyat berpendapatan rendah di negeri Sabah**. Peruntukan tersebut telah disampaikan oleh Y.B. Dato' Sri Shahrizat Abdul Jalil, Menteri Pembangunan Wanita, Keluarga dan Masyarakat kepada Y.A.B. Datuk Seri Panglima Musa bin Haji Aman, Ketua Menteri Sabah pada program KAR1SMA 1AZAM yang berlangsung di Sandakan Yacht Club hari ini.

Inisiatif tersebut merangkumi program bantuan **Kebajikan Rakyat 1Malaysia (KAR1SMA)** bernilai **RM215 juta** yang bakal memberi manfaat kepada **71,200 orang** penerima bantuan bulanan Jabatan Kebajikan Masyarakat (JKM) pada tahun 2012. Majlis turut menyaksikan

penyerahan cek 1AZAM bernilai **RM72 juta** diberikan kepada Kerajaan Negeri Sabah bagi membiayai **program 1AZAM** yang akan memberi manfaat kepada **8,250** orang rakyat berpendapatan rendah di Sabah.

Di bawah program Teman 1AZAM KPWKM pula, seramai **436** orang peserta dari Negeri Sabah telah menerima barangan untuk memulakan perniagaan (*start-up kit*) berjumlah **RM2.2 juta**. Menurut Y.B. Senator Dato' Sri Shahrizat berkata, "Bantuan yang diberikan adalah bagi membantu golongan berpendapatan rendah menceburi bidang perniagaan **berteraskan konsep social enterprise (keusahawanan sosial) dan pendekatan kebajikan produktif (productive welfare)** dalam usaha memperbaiki taraf kehidupan mereka". Tambah beliau, ini juga merupakan usaha Kerajaan untuk membolehkan golongan ini untuk hidup berdikari.

Selain itu, bagi melaksanakan inisiatif Menaiktaraf Kemudahan Awam Luar Bandar, sebanyak **60 buah bot komuniti beserta enjin bernilai RM10 juta telah diberikan kepada 60 orang Jawatankuasa Ketua Kampung (JKKK) di seluruh Negeri Sabah** bertujuan untuk kemudahan pengangkutan awam ini dapat ditingkatkan demi keselesaan penduduk sekaligus dapat meningkatkan ekonomi penduduk setempat.

Turut hadir sama pada majlis pelancaran tersebut ialah Y.Bhg. Dato' Dr. Noorul Ainur Mohd. Nur, Ketua Setiausaha Kementerian Pembangunan Wanita, Keluarga dan Masyarakat, Ketua-ketua Pengarah Jabatan/Agensi di bawah Kementerian, Pemimpin-pemimpin tempatan dan 1,000 orang penduduk setempat.

#####

Disediakan oleh : Unit DMO NKRA-LIH KPWKM
Aras 5, No.55 Persiaran Perdana, Presint 4,
Putrajaya
Telefon : 03 – 8323 1000
Tarikh : 20 Mac 2012

